



Broj:09-20-2538/26

Dana: 20.8.2026. godine

Na osnovu člana 6. Pravilnika o vrstama, kriterijima i načinu raspodjela novčanih sredstava iz Budžeta Grada Bosanska Krupa za 2026.godinu - Poticaj za poljoprivredu ("Službeni glasnik Grada Bosanska Krupa", broj:3/26) i člana 3. i 4. Pravilnika o izmjeni i dopuni Pravilnika o vrstama, kriterijima i načinu raspodjela novčanih sredstava iz Budžeta Grada Bosanska Krupa za 2026.godinu - Poticaj za poljoprivredu ("Službeni glasnik Grada Bosanska Krupa", broj:5/26) Gradonačelnik grada Bosanska Krupa objavljuje:

JAVNI POZIV

za podnošenje zahtjeva za sufinansiranje troškova proizvodnje povrća i jagode u plastenicima od 100 m² do 200 m² površine

I Gradonačelnik grada Bosanska Krupa objavljuje Javni poziv za sufinansiranje troškova proizvodnje povrća i jagode u plastenicima od 100 m² do 200 m² površine.

II Opći uslovi za ostvarivanje prava

Pravo na korištenje sredstava, a u skladu sa Pravilnikom o vrstama, kriterijima i načinu raspodjele novčanih sredstava iz Budžeta Grada Bosanska Krupa za 2026. godinu – Poticaj za poljoprivredu, imaju pravna i fizička lica koja imaju sjedište/prebivalište na području grada Bosanska Krupa, koji su upisani u Registar poljoprivrednih gazdinstava i Registar klijenata u gradu Bosanska Krupa.

Službenu provjeru upisanih pravnih i fizičkih lica u Registar poljoprivrednih gazdinstava i Registar klijenata u gradu Bosanska Krupa obavlja nadležna služba.

III Posebni uslovi, kriteriji i način realizacije

Pravo na novčanu podršku za sufinansiranje troškova proizvodnje povrća i jagode u plastenicima površine od 100 m² do 200 m² imaju klijenti koji proizvode povrće i jagodu u plastenicima na površini od najmanje 100 m² do najviše 200 m² površine, minimalan broj presadnica povrća i jagode je 2,5 komada/m². Službenu provjeru ispunjenosti navedenih kriterija obavlja nadležna služba.

Klijenti koji proizvode povrće i jagodu u plastenicima veće površine od 200 m², ostvaruju pravo na podršku za proizvodnju na površini od 200 m².

Visina novčane podrške iznosi 3,00 KM/m² proizvodne površine plastenika.

Za ostvarivanje prava na novčanu podršku po objavljenom Javnom pozivu, klijenti podnose zahtjev.

Po zahtjevima klijenata koji su blagovremeni i kod kojih su ispunjeni opći uslovi, uposlenici Službe za obrt, poljoprivredu i poduzetništvo će na licu mjesta utvrditi činjenično stanje i zapisnički konstatovati da li se plastenik namjenski koristi, vrstu proizvodnje, proizvodnu površinu plastenika i broj presadnica povrća i jagode/m², zatim sačiniti Listu klijenata koji ispunjavaju uslove javnog poziva i donijeti akt o odobravanju i isplati sredstava.

Ukoliko planirana sredstva za ovu mjeru budu nedovoljna izvršiti će se proporcionalno smanjenje novčanog iznosa po m² površine plastenika kod svih klijenata, u skladu sa raspoloživim sredstvima.

IV Postupak i provedba

Zahtjev za novčanu podršku se podnosi Službi za obrt, poljoprivredu i poduzetništvo, putem pisarnice. Obrazac zahtjeva se može preuzeti u Centru za pružanje usluga građanima grada Bosanska Krupa.

Javni poziv se objavljuje na zvaničnoj web stranici Grada i oglasnim pločama i ostaje otvoren 15 (petnaest) dana od dana objavljivanja na zvaničnoj web stranici Grada: www.gradbosanskakrupa.ba.

Nadležna služba po isteku roka iz javnog poziva provodi postupak, te sačinjava Listu klijenata koji ispunjavaju propisane uslove i Listu klijenata koji ne ispunjavaju uslove iz javnog poziva, koje će objaviti na zvaničnoj web stranici Grada i oglasnim pločama. Neblagovremene i nepotpune prijave će se odbaciti rješenjem na koje aplikanti imaju pravo žalbe u roku od 5 (pet) dana od dana prijema rješenja. Žalbe se podnose Komisiji Gradskog vijeća za zaštitu ljudskih prava i građanskih sloboda. Klijentima koji ne ispunjavaju propisane uslove dostaviti će se obavijest na koju isti imaju pravo žalbe, u roku od 5 (pet) dana od dana prijema obavijesti, Komisiji Gradskog vijeća za zaštitu ljudskih prava i građanskih sloboda.

Rješenje o ostvarivanju prava na novčanu podršku donijet će se za aplikante koji ispunjavaju uslove javnog poziva. Na rješenje o ostvarivanju prava na novčanu podršku nezadovoljni aplikanti imaju pravo žalbe u roku od 5 (pet) dana od dana prijema rješenja Komisiji Gradskog vijeća za zaštitu ljudskih prava i građanskih sloboda.

Akt obradila/pripremila

Šef službe, Asima Skenderović

GRADONAČELNIK
Armin Halitović

Dostaviti:

1. Web stranica Grada: www.gradbosanskakrupa.ba
2. Oglasne ploče (Bos. Krupa, Bos. Otoka, Jezerski)
3. JP „Radio Bosanska Krupa“
4. Služba za obrt, poljoprivredu i poduzetništvo
5. Arhiva